



Broj: 07-11-1828/25
Vogošća, 13.01.2026. godine

Na osnovu člana 70. i člana 111. stav 13. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Rješenja Ureda za razmatranje žalbi BiH, Filijala/Podružnica Mostar broj: JN2-03-07-1-2025-6/25 od 30.12.2025. godine i čl. 71. i 125. Statuta Općine Vogošća ("Službene novine Kantona Sarajevo" broj: 27/14, 14/15, 9/20 i 23/24), Pomoćnik načelnika za investicije i komunalne poslove po ovlaštenju Općinskog načelnika dana 13.01.2026. godine donio je

ODLUKU
O PONIŠTENJU OTVORENOG POSTUPKA NABAVKE RADOVA NA REKONSTRUKCIJI
FEKALNE KANALIZACIONE MREŽE I IZGRADNJI NOVE OBORINSKE KANALIZACIONE
MREŽE NASELJA ORAHOV BRIJEG, OPĆINA VOGOŠĆA – KOLEKTOR 7

Član 1.

Poništava se Otvoreni postupak nabavke radova na rekonstrukciji fekalne kanalizacione mreže i izgradnji nove oborinske kanalizacione mreže naselja Orahov Brijeg, Općina Vogošća – kolektor 7, jer je Rješenjem Ureda za razmatranje žalbi BiH, Filijala/Podružnica Mostar broj: JN2-03-07-1-2025-6/25 od 30.12.2025. godine usvojena žalba potencijalnog ponuđača i poništena Tenderska dokumentacija broj: 07-11-1828/25 i obavještenje o nabavci broj: 1353-1-3-197-3-157/25 od 19.11.2025. godine.

Član 2.

Ova Odluka stupa na snagu danom donošenja, a objaviće se na web stranici Općine Vogošća.

OBRAZLOŽENJE

Općinski načelnik je dana 18.11.2025. godine donio Odluku o pokretanju Otvorenog postupka nabavke radova na rekonstrukciji fekalne kanalizacione mreže i izgradnji nove oborinske kanalizacione mreže naselja Orahov Brijeg, Općina Vogošća – kolektor 7, sa objavljivanjem Obavještenja o nabavci i tenderske dokumentacije na Portalu javnih nabavki BiH dana 19.11.2025. godine pod brojem: 1353-1-3-197-3-157/25.

Sažetak Obavještenja o nabavci objavljen je u "Službenom glasniku BiH" broj: 71/25 od 28.11.2025. godine.

Na Tendersku dokumentaciju izjavljena je žalba od strane potencijalnog ponuđača "Mibral" d.o.o. Sarajevo dana 28.11.2025. godine.

Ured za razmatranje žalbi BiH, Filijala/Podružnica Mostar, rješavajući po žalbi Žalitelja "Mibral" d.o.o. Sarajevo je dana 30.12.2025. godine donio Rješenje broj: JN2-03-07-1-2025-6/25, kojim se usvaja žalba Žalitelja "Mibral" d.o.o. Sarajevo i poništava Tenderska dokumentacija u postupku javne nabavke radova na rekonstrukciji fekalne kanalizacione mreže i izgradnji nove oborinske kanalizacione mreže naselja Orahov Brijeg, Općina Vogošća – kolektor 7, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 19.11.2025. godine pod brojem: 1353-1-3-197-3-157/25.

U obrazloženju osnovanosti žalbe Ured za razmatranje žalbi BiH, Filijala/Podružnica Mostar u svom Rješenju broj: JN2-03-07-1-2025-6/25 od 30.12.2025. godine (strana 12 Rješenja) navodi sljedeće:

“Imajući u vidu ranije istaknuto, ovaj organ konstatuje kako je ugovorni organ od ponuđača zahtijevao da prilikom računanja cijene za montažne radove koji su, između ostalih radova, predmet postupka javne nabavke, obavezno traže od KJKP Vodovod i Kanalizacija doo Sarajevo cjenovnik za iste, kako bi ponuđači mogli obračunati pravilno cijenu za navedene radove, obzirom da priključenje na postojeću mrežu (recipijent), kao i priključenje kućnih priključaka izvodi davalac usluga, a u ovom slučaju KJKP ViK doo Sarajevo, kao nadležno preduzeće shodno Uredbi o opštim uslovima za snabdijevanje vodom za piće, obradu i odvođenje otpadnih atmosferskih voda” - poglavlje III - Obrada i odvođenje otpadnih i atmosferskih voda ("Službene novine Kantona Sarajevo", broj 22/16). Međutim, ugovorni organ je dužan da prema svim ponuđačima postupa jednako, u skladu sa općim principima iz člana 3. Zakona o javnim nabavkama, pa nije smio dopustiti da se ponuđači samostalno obraćaju KJKP ViK doo Sarajevo za navedene informacije. Ovaj organ konstatuje da, ukoliko ugovorni organ nema drugi način da formira predmetne radove, i da od radova koji su predmet nabavke odvoji radove koje će izvoditi KJKP ViK doo Sarajevo, ugovorni organ je morao obezbjediti navedeni cjenovnik, te isti učiniti dostupnim svim zainteresiranim ponuđačima, kako bi svi zainteresirani ponuđači imali jednake informacije i jednak tretman u predmetnom postupku koji provodi ugovorni organ. Ugovorni organ dužan je da postupa transparentno, da se u postupku javne nabavke prema kandidatima/ponuđačima ponaša jednako i nediskriminirajuće, na način da obezbijedi pravednu i aktivnu konkurenciju, s ciljem najefikasnijeg korišćenja javnih sredstava, u vezi sa predmetom nabavke i njegovom svrhom. Također, shodno članu 53. stav (1) i stav (5) Zakona o javnim nabavkama, ugovorni organ je dužan svim ponuđačima da daje potpune informacije o uslovima ugovora i postupku dodjele ugovora, a koji su kandidatima/ponuđačima dovoljni za pripremu zahtjeva za učešće, odnosno ponuda na stvarno konkurentskoj osnovi. S tim u vezi, ovaj organ konstatuje kako je ugovorni organ predmetnu tendersku dokumentaciju, u smislu definisanja obaveze ponuđača da samostalno od KJKP ViK doo Sarajevo pribave cjenovnik za montažne radove, postavio suprotno općim principima iz člana 3. Zakona o javnim nabavkama, da se nije pridržavao ni člana 53. stav (5) Zakona o javnim nabavkama, zbog čega predmetnu žalbu cijeni **osnovanom**.

Imajući u vidu navedeno, ovaj organ usvaja žalbu i poništava tendersku dokumentaciju”.

Iz navedenih razloga, uz uvažavanje argumenata iz Rješenja Ureda za razmatranje žalbi BiH, Filijala/Podružnica Mostar broj: JN2-03-07-1-2025-6/25 od 30.12.2025. godine, a primjenom člana 111. stav 13. Zakona o javnim nabavkama BiH ("Službeni glasnik BiH" broj: 39/14, 59/22 i 50/24) Pomoćnik načelnika za investicije i komunalne poslove po ovlaštenju Općinskog načelnika je donio Odluku o poništenju postupka javne nabavke radova na rekonstrukciji fekalne kanalizacione mreže i izgradnji nove oborinske kanalizacione mreže naselja Orahov Brijeg, Općina Vogošća – kolektor 7.

Izradila: Meliha Čolpa

Kontrolisala: Đejna Sarač

PO OVLAŠTENJU OPĆINSKOG NAČELNIKA
POMOĆNIK NAČELNIKA ZA INVESTICIJE
I KOMUNALNE POSLOVE

Fetah Kadrić

Dostavljeno:

1. Nadležnoj Službi
2. U dosije
3. a/a